

浮山縣志卷之三十一

陵墓

趙文子與叔譽觀九原而推前賢載於禮記浮山自堯陵外而若坊若斧多古名賢豪士之遺若羊左博陸暨桑邢諸公尤其彰彰者惠然來遊詎無趙文子叔譽其人與尚友千古其誰與歸志陵墓

陶唐

堯陵

相傳在邑北三十里楊村河西陵前有碑記臨汾春秋二祭今並錄

浮山縣志

卷之三十一 陵墓

漢

荆軻墓

在羊角山今失考

羊角哀墓

在羊角山唐人有過哀墓詩今失考

左伯桃墓

在羊角山失考

漢

博陸侯霍光墓

在縣北十五里平寧村府西門外天寶間建有祠宇

按長安志以光陪葬咸陽武帝茂陵則此或光祖墓今姑存之

五代唐



仙人洪崖子張居敬墓

在邑西南任張村 舊志邑西南任張村有仙人張果墓在村

西嶺之半名曰柏林坡即月山東麓也邱壘宛然土人禁樵牧不得入其後裔現居本村溝南莊去壘二里許云係果家舊址故老相傳每於夜分時見壘上恒有異光遠而彌耀遇太平則皎若曙星土人謂之萬年燈識者又以此光應科甲之瑞屢現屢驗詳見祥異

按列仙傳張果隱恒州中條山往來汾晉間天寶初卒不聞有後而洪崖子張居敬為神山任張里人傳云道滿日假葬衣冠而去當即其處因同張姓後唐與唐亦相符合而果為里巷所盛傳故從而附會之爾洪崖子詳仙釋

五代晉

浮山縣志

卷之三十一

陵墓

二

魏國公桑維翰墓

在縣東北五十里夾榆村

宋

禮部尚書邢昺墓

在縣北三里小刑村昺嘗撰禮選三十卷以進無副本真宗許繕錄賜之未畢而昺卒亟詔寫二本一本賜其家一本俾置冢中一云昺墓在任邱縣黃壘村

元

知府唐天瑞墓

在北關外唐家圪塔

萬戶侯張天瑞墓

在北關外唐家圪塔

明



吏部尚書李信墓 在縣北五里賈庄村

左布政陳孜墓 在縣北二十里王村鎮